

Ժողովուրդ

184
(2850)

22 դեկտեմբերի ուրբաթ 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՖՖ-Ն ՄՆԱՑ ՄԵՆԱԿ. ԳԵՄ ԵՆ ԲՈԼՈՐԸ



Դեկտեմբերի 23-ին սպասվում է ՀՀ ՖՖ նախագահի ընտրությունը. ըստ էության, սա ընտրություն անվանելն այնքան էլ ճիշտ չէ, քանզի իշխանությունների «այր»-ն ստացած Արմեն Մելիքեյանը կվերընտրվի, ու կշարունակվի հայկական ֆուտբոլի գործող ողբալի վիճակը, մինչև նա կհեռացվի այդ պաշտոնից: Հատկանշական է, որ Մելիքեյանին դեմ են արտահայտվել հայկական թոփ երկու առաջատար ակումբները, 4 ակումբների ֆանատական շարժումները («Ուրարտու», «Փյունիկ», «Արարատ Արմենիա» եւ «Շիրակ»): Ազգային հավաքականի ֆան ակումբներից ամենամեծը (FAF) երեկ, ըստ էության, քննադատեց Մելիքեյանին ու հայտարարեց, որ չի սատարում նրան: «Ուրարտու» եւ «Փյունիկ» ակումբները միասին պահում են ամենամեծ երկու ակադեմիաները եւ ֆուտբոլի հիմնական դարբնոցն են. այս ակումբների սեփականատերերն ամեն ամիս իրենց գրպաններից ծախսում են հարյուր հազարավոր դոլարներ, ու եթե հեռանան, ապա շուրջ 3000 երեխա կզրկվի մարզվելու հնարավորությունից, այդ թվում մարզադաշտերից: ՀՀ ՖՖ ներկա ղեկավարին չի սատարում Հայաստանի հավաքականի նախկին խաղացողների մեծագույն մասը, իսկ ով էլ չեզոք է, ըստ հիմնավոր տեղեկությունների, որոշակի հետաքրքրություն ունի այս ֆեդերացիայից: Արմեն Մելիքեյանին շաբաթ օրը կընտրեն ՀՀ ՖՖ անդամ այն 34-ները, որոնց ֆեդերացիա են բերել հենց իրենք, ու որոնք ֆինանսապես կախված են իրենցից: Նման 34-ներն ունեն հավասար մեկ ձայն, ինչպես ոլորտում իրոք եղանակ ստեղծող խոշոր ակումբները, ինչն անտրամաբանական է: Ավելին՝ Մելիքեյանին սատարում են այնպիսի ֆուտբոլային ակումբներ, որոնք կամ ակտիվ գործունեություն չեն ծավալում, կամ մեղադրվում են պայմանավորված խաղեր կազմակերպելու համար: Մեր տեղեկություններով՝ Մելիքեյանի ընտրվելու դեպքում Բարձրագույն խմբի մի քանի ակումբներ պատրաստվում են դուրս գալ առաջնությունից, իսկ ֆանատական շարժումներն ու ակադեմիաներում մարզվող ծնողներն արդեն խմբեր են ձեւավորել ու պատրաստվում են բողոքի ակցիա իրականացնել ՀՀ կառավարության դիմաց, քանզի վստահ են, որ Արմեն Մելիքեյանի ամենաթողությունը գալիս է հենց վարչապետից: Ոլորտի մասնագետները պնդում են, որ նախկին լրագրող Արմեն Մելիքեյանին լեզիտիմ նախագահ անվանել չի կարելի, ու որ այս ամենը ծաղր է հայկական ֆուտբոլի ապագայի նկատմամբ, իսկ երկրի բարձրագույն ղեկավարությունը լուռ է:

Հ.Գ. Երեկ Սեփականիերի մարզադաշտում Իրիան Ալիևն առաջին հարվածը կասարեց գնդակին, ու բռնակալված Արցախում կայացավ այդ երկրի ֆուտբոլային հանդիպումը: Նման իրավիճակում Հայաստանում գոնե պետք է փրկել ֆուտբոլն ու նրան վերադարձնել նախկին փառքը:

«Ժողովուրդ» օրաթերթի հաջորդ համարը լույս կհանի 16.01.2024-ին:

Ի շնորհ ԶԳ կուսակցության նիստերը խիստ գաղտնի ռեժիմով են անցնում: «Ժողովուրդ» օրաթերթը տեղեկացավ, որ հատկապես վերջին շրջանում իշխանականների համար սահմանափակումները շատացել են: Նախ՝ մինչ նիստը սկսվելը, բոլորին ասվում է, որ պարտադիր հեռախոսներն անջատեն, հանձնեն, ավելորդ իրեր չբերեն իրենց հետ: Բացի սա, կարելի է հանդիպումներն ու քննարկումները ներկայացնել անցնում, ոչ բոլոր ԶԳ-ականներին են տեղեկացնում դրա մասին, որպեսզի արտահոսք չլինի: «Ժողովուրդ» օրաթերթը բազմիցս անդրադարձել է այս հարցին, որ Նիկոլ Փաշինյանն այլևս իր թմականիցներին չի վստահում, նրանցից մի քանիսի հետ է միայն շփվում: ԶԳ գաղտնի ռեժիմով այս նիստերն էլ հենց փաստում են Փաշինյանի անհանգստությունների մասին:



Սեպտեմբերի 19-ին Ադրբեջանի կողմից Արցախի դեմ սանձազերծած պատերազմը դադարեցնելու նպատակով Արցախի իշխանությունները ստիպված եղան ընդունել Ադրբեջանի նախապայմանները՝ Արցախի պատմական տարածքի հանձնում, զինաթափում, ինչն էլ հանգեցրեց հայկական երկրորդ պետության հայաթափմանը: Սեպտեմբերի 28-ին Արցախի նախագահ Սամվել Շահրամանյանը հրամանագիր էր ստորագրել, ըստ որի՝ Արցախի Հանրապետությունը 2024 թվականի հունվարի 1-ից կդադարի գոյություն ունենալ: Նախ՝ արձանագրենք, որ որեւէ պաշտոնյայի ստորագրած հրամանագիր չի կարող լուծարել Արցախը, քանի որ այն ժողովրդի հանրաքվեով ստեղծված ինքնիշխան պետություն է՝ իր պետական կառուցվածքով ու ատրիբուտներով: Սամվել Շահրամանյանն ինքն էլ հայտարարել է, որ որեւէ փաստաթուղթ չի կարող լուծարել ժողովրդի ստեղծած պետությունը՝ այսպիսով նաեւ ուղերձ հղելով, որ իր ստորագրած հրամանագիրն իրավական ուժ չունի: Այս դեպքում, թերեւս, տարօրինակ է՝ ինչու Շահրամանյանն ինքը պաշտոնապես չի հայտարարում, որ չեղարկում է իր ստորագրած հրամանագիրը: Ավելին՝ ինչպես «Ժողովուրդ» օրաթերթի աղբյուրներն են փոխանցում, արդեն իսկ կա այդ իրավական ուժ չունեցող փաստաթղթի չեղարկման հրամանագիր, բայց, չգիտես՝ ինչու, Արցախի կառավարությունը խուսափում է այն հրապարակել: Կարելի է նաեւ, որ այդ չեղարկման հրամանագիրը մինչև տարեվերջ հրապարակվի, որպեսզի այդ ուղերձը պաշտոնապես տրվի միջազգային հանրությանը: Այսպիսով, Արցախի լուծարման փաստաթղթի՝ ուժի մեջ մտնելուն քիչ ժամանակ է մնացել, իսկ թե ինչպես կվարվի Արցախի կառավարությունը, ժամանակը ցույց կտա:



ՀՀ հատուկ հանձնարարություններով դեսպան Արթուր Զավադյանը պաշտոնի նշանակվել է 2020 թվականի հունիսի 16-ին՝ վարչապետի որոշմամբ: Զավադյանը 2022 թվականի հայտարարատու տարում ձեռք է բերել 6 անշարժ գույք, իսկ տարեվերջին անշարժ գույքերի ընդհանուր թիվը կազմել է 14՝ 4 անհատական բնակելի տուն, 7 հողամաս, 1 ավտոտնակ եւ 1 ավտոկայանատեղի, 1 ՀՀ օրենսդրության համաձայն նոր կառուցված, ձեռք բերված եւ անշարժ գույքի կադաստր վարող լիազոր մարմնի կողմից հաշվառված ու գնահատված շինություն, որը դեռեւս չի ստացել իրավունքների պետական գրանցում: Անշարժ գույքի մի մասը հենց Զավադյանն է գնել, իսկ մյուս մասը կամ նվիրատվություն է, կամ ժառանգություն, որ ստացել է հենց 2022 թվականին: Զավադյանը ոչ միայն անշարժ գույքի քանակով է փայլում, այլ նաեւ վարած մեքենայով: Նա 2020 թվականին գնել է 2019 թվականի արտադրության, Mercedes Benz մակնիշի մեքենա: Հավելենք, որ ոչ բոլոր պաշտոնյաները կարող են իրենց թույլ տալ նման հաճույք՝ վարել նոր մեքենա: Զավադյանը ժառանգություն է ստացել նաեւ գումարի տեքստով՝ 63 մլն 900 հազար դրամ, որը ստացել է Յուրի Լեւոնի Զավադյանից: Նա ստացել է եւս 2 մլն 162 հազար դրամ, սակայն ինչ աղբյուրից՝ հայտնի չէ: Հանձնված եւ վերադարձված փոխառությունները կազմել են 45 մլն դրամ: ՀՀ հատուկ հանձնարարությունների դեսպանի բանկային ավանդները կազմել են 112 հազար եվրո եւ 698 հազար ԱՄՆ դոլար: Տվյալ տարվա սկզբում առկա չորս միլիոն դրամից կամ դրան համարժեք արտարժույթից ավելի արժեք ունեցող 1 գույք է հայտարարագրել Զավադյանը. հուշարձանը հանձնվել է դեսպանին, արժեքը 24 մլն դրամ է եղել: ՀՀ կենտրոնական բանկի նախկին նախագահ Զավադյանի բանկային հաշիվների մնացորդները կազմել են 5 հազար ԱՄՆ դոլար, 4 մլն 657 հազար դրամ, 11 հազար եվրո: Կանխիկ դրամական միջոցները կազմել են 14 հազար ԱՄՆ դոլար, 6 մլն 500 հազար դրամ, 19 հազար եվրո: Զավադյանի՝ հաշվետու տարվա եկամուտը կազմել է 295 մլն 248 հազար դրամ: **Շարունակությունը՝ ArmLur.am կայքում:**



ՔԱՂԱՔԱԿԱՆ

ՀԱՄԱԽԱՄԲՎԵՆՔ

ԽԱՂԱՂՈՒԹՅԱՆ ԹԵԶՈՎ՝ ՆՈՐ ԿԱՊԻՏՈՒԼՅԱՑԻԱ

ArmLur.am-ի գրուցակիցը ՀՅԳ ԳՄ ներկայացուցիչ, ԱԺ «Հայաստան» խմբակցության դասգամավոր Իշխան Մաղաթեյանն է:

-Պարոն Մաղաթեյան, Նիկոլ Փաշինյանն օրերս ծավալուն հարցազրույց տվեց՝ խոսելով Արցախի եւ բանակցային գործընթացի մասին: Հետեւե՛լ էք հարցազրույցին, ի՛նչ արձանագրումներ եք արել Նրա հայտարարություններից:

-Նիկոլ Փաշինյանը շարունակում է արդարանալ, իր հարցազրույցում նա փորձում էր հանրությանը համոզել ու հերթական անգամ մոլորեցնել, որ այն, ինչ պատահել է մեզ հետ, անխուսափելի էր, ինչն ամբողջությամբ կեղծ է, քանի որ այդ ամենի պատասխանատուն հենց ինքն է: Նիկոլ Փաշինյանը երկու նպատակ ուներ՝ փորձում էր մարսել այն բոլոր հանցագործությունները, որոնք իրականացրել է Արցախի մասով, նաեւ շարունակում էր լեզվատիմացնել Ալիեւի վարած ագրեսիվ քաղաքականությունը եւ Արցախում իրականացրած էթնիկ զտումը: Հասարակությանը փորձում է խաղաղության թեզի տակ Նոր կապիտուլյացիայի տանել:

-Իր հարցազրույցում Նիկոլ Փաշինյանն այսպիսի մի հայտարարություն արեց՝ եղել են մարդիկ, ովքեր պլանավորել են Արցախի հայաթափումը եւ այսպիսով նպատակ են ունեցել ոչնչացնել Հայաստանի անկախությունը: Ո՛ւ՛մ նկատի ունե՞ր նա:

-Արցախի հայաթափումը պլանավորել են Նիկոլ Փաշինյանը եւ Ալիեւը համատեղ: Իսկ ինչ վերաբերում է Հայաստանի ինքնիշխանությանը, Նիկոլ Փաշինյանն այդ ինքնիշխանությունը վաղուց ոչնչացրել է. թշնամու զորքերը գտնվում են Հայաստանի տարածքում, աղբբեջանցի զինծառայողներն այսօր Գեղարքունիքում, Սյունիքում են, ու այս ամենը տեղի է ունեցել այս իշխանության գործունեության ու վարած քաղաքականության արդյունքում:

-Պարոն Մաղաթեյան, վերջին օրերին թե՛ խոսակցություններ են նաեւ գնում, որ իշխանությունները մտադիր են 2024 թ.-ին գնալ արտահերթ ընտրությունների. ի՛նչ եք կարծում, կգնան այդ ճանապարհով իշխանությունները:



-Դա պարզ հարց չէ, խորքային է, բայց չեմ կարծում, որ իրենք կգնան այդ ճանապարհով՝ նկատի ունենալով թե՛ սոցիալ-տնտեսական կանխատեսումները, որոնք սպասվում են մեր երկրում, ինչպես նաեւ աշխարհաքաղաքական դասավորությունները, նաեւ մի շարք այլ հանգամանքներ: Բացառված սցենար չէ, որ փորձեն Նոր ընտրությունների գնալ՝ հույս ունենալով, որ այդ ճանապարհով կվերարտադրվեն:

-Իսկ ընդդիմությունը պատրաստ է Նոր ընտրությունների:

-Սա ինչ-որ տեղ նաեւ արհեստական օրակարգ է բոլոր հարցերն ու խնդիրներն այլ ուղղությամբ տանելու համար, հետեւաբար ավելի առաջնային խնդիրներ կան, այս պահին պետք է կենտրոնանալ դրանց վրա:

-Պարոն Մաղաթեյան, ընդդիմությունը թե՛ խորհրդարանում, թե՛ փողոցում շատ պասիվ է, միայն հայտարարություններ են հնչում առկա վտանգների ու քայլերի մա-

սին, բայց կանխարգելիչ քայլեր չեն ձեռնարկվում:

-Վերջին շրջանում, տեսել եք, ինչ ակտիվ գործունեություն է ծավալում ընդդիմությունը՝ սկսած անվտանգային, սոցիալ-տնտեսական եւ Արցախի հետ կապված հարցերից. բոլոր խնդիրները բարձրաձայնվում են, սուր քննադատություններ են հնչեցվում փորձելով ժողովրդին ներկայացնել իշխանության ղեկին հայտնվածների վարած քաղաքականությունը: Զուգահեռ մենք գրեթե ամեն շաբաթ այցելում ենք տարբեր մարզեր՝ Սյունիք, Գեղարքունիք. վերջին մեկ ամսվա ընթացքում իմ գործընկերների հետ 7-8 մարզերում եղել ենք, հանդիպել ենք այնտեղի բնակչությանը, խոսել խնդիրների մասին: Այս պահին մեր խնդիրը ամենօրյա աշխատանքն է ժողովրդի հետ, որպեսզի Նրանց բացատրենք այս իշխանությունների վարած կործանարար քաղաքականության հետեւանքները եւ համախմբենք մարդկանց ազգային օրակարգի շուրջ:

Զրույցը ԲԻՒՍԻՆՆԱ ՍՈՒՇԵՐՅԱՆԸ

ԿԱՐԳԱԴՐԱԳԻՐ

ԿԱՐԳԱԴՐԱԳԻՐ



ԱԺ Նախագահ Ալեն Սիմոնյանը ղեկտեմբերի 20-ին կարգադրություն է ստորագրել, որտեղ ասվում է. «Ղեկավարվելով «Ազգային ժողովի կանոնակարգ» սահմանադրական օրենքի 5-րդ հոդվածի 2-րդ մասի 12-րդ կետով՝ կարգադրում եմ՝

1. Կազմակերպել 2023 թվականի դեկտեմբերի 21-22-ը Հայաստանի Հանրապետություն (ք. Դիլիջան) ժամանող՝ Վրաստանի Խորհրդարանի Նախագահ Շավլա Պապուաշվիլիի գլխավորած պատվիրակության ընդունելությունը:

2. Ազգային ժողովի աշխատակազմի ղեկավար-գլխավոր քարտուղար Դ. ԱՌԱՔԵԼՅԱՆԻՆՆ՝ պատվիրակության ընդունելությունը կազմակերպել Ազգային ժողովի Նախագահի 2018 թվականի հունվարի 25-ի «Ներկայացուցչական ծախսերի իրականացման եւ հուշանվերների տրամադրման կարգի մասին» Կ-22-Ա կարգադրության համաձայն՝ Հայաստանի Հանրապետության 2023 թվականի պետական բյուջեով Ազգային ժողովին այդ նպատակի համար հատկացված միջոցների հաշվին»:

ՅՈՒ ԱՇԽԱՏԱՆԻՑՆԵՐ ԶԵՐԲԱԿԱՎՈՒՄ ԵՆ



ArmLur.am-ի տեղեկությունների համաձայն՝ Հակառուսացիոն կոմիտեն առավելագույն ձեռքարկել է Քաղաքացիության եւ հրդեհային անվտանգության տեսչական մարմնի 7 աշխատակիցների, որոնք կասկածվում են կոռուպցիոն մեխանիզմի մեջ լինելու համար: Ըստ աղբյուրների՝ բացահայտվել են Նոր կառուցված շենքերի ավարտական ակտի տակ տեսչական մարմնի կողմից տրված դրական եզրակացության կնիք եւ ստորագրություն, այնինչ տվյալ ավարտական ակտի փաստաթղթերը տեսչական մարմնի կամ մուտք չեն եղել, կամ տրվել է բացասական եզրակացություն: Տեսչական մարմնի մեր աղբյուրները փոխանակում են, որ կնիքը ղեկավարի մոտ է միայն, ու, բացի իրենից, ոչ մեկ չի կարող փաստաթղթեր կնքել եւ ուղարկել, սակայն ձերբակալել են սովորական աշխատակիցների:

ԱԶՍԱՎԵՐ Է

ՎԱՐԴ, ԹԵ՞ ՄԵԽԱԿ ՏԵՄԱԿԻ ԾԱՂԻԿՆԵՐ

Մամուլում դարբերաբար լուրեր են օրջանառվում, որ Նիկոլ Փաշինյանն աշխատանքից ազատել է վարչապետի աշխատակազմի արտոդակարգի բաժնի ղեկ Մանվել Ավետիսյանին:

Մանվել Ավետիսյանը վարչապետի աշխատակազմի արտոդակարգի բաժնի ղեկավարել է նաեւ 2018-2020 թվականներին: Հիշեցնենք, որ 2019թ.-ին էլ Նիկոլ Փաշինյանը վարչապետի արտոդակարգի պատասխանատու Ալեքսանդր Մխիթարյանին էր պաշտոնից ազատել, որը մոտ մեկ տարի էր պաշտոնավարել: 2019թ. մայիսի 14-ին 168.am-ը հոդված էր հրատարակել, որում անդրադարձ է կատարվել նաեւ Ալեքսանդր Մխիթարյանին պաշտոնից ազատելու պատճառներին: Ըստ լրատվականի՝ Ալեքսանդր Մխիթարյանն աշխատանքից ազատվել է ծաղիկների պատճառով: Համաձայն այդ հրատարակման՝ 2019թ.-ի ապրիլի 2-ի առավոտյան Նիկոլ Փաշինյանն ԱԺ այդ ժամանակվա Նախագահ Արարատ Միրզոյանի, իշխանական պատգամա-

վորների, ՀՀ ՊՆ եւ ԶՈՒ բարձրաստիճան ներկայացուցիչների ուղեկցությամբ այցելել է «Եռաբլուր» զինվորական պանթեոն՝ հարգանքի տուրք մատուցելու 2016թ. ապրիլյան պատերազմի ժամանակ զոհված հերոսների եւ արցախյան ազատամարտում իրենց կյանքը զոհաբերած հերոսների հիշատակին: Արարողակարգով որոշվել էր, որ Փաշինյանը եւ մյուսները, ի հիշատակ զոհված հերոսների, մեխակներ պետք է դնեն Նրանց շիրիմներին: Նույն օրը «Եռաբլուր» զինվորական պանթեոն հարգանքի տուրք մատուցելու է գնում ՀՀ երրորդ Նախագահ Սերժ Սարգսյանը: «Հեղափոխական» կառավարության աշխատակազմում նկատում են, որ Սերժ Սարգսյանը վարդտեսակի ծաղիկներ է տեղադրում զոհերի շիրիմներին: Այս հանգամանքը խիստ զայրացնում է Նիկոլ Փաշինյանին՝ թե՛ ինչու է Սերժ Սարգսյանը վարդեր տանում, իսկ ինքը՝ մեխակներ: Օրվա վերջում արդեն Նիկոլ Փաշինյանը ստորագրում է Ալեքսանդր Մխիթարյանին պաշտոնից ազատելու հրամանը: 2020 թվականին

վարչապետի աշխատակազմի արարողակարգի բաժնի պետ է նշանակվում Էդուարդ Հարությունյանը, որն աշխատանքից ազատվել է 2021թ.-ի սեպտեմբերին: Այդ ժամանակից սկսած՝ արարողակարգի բաժնի պետի պարտականությունները կատարում էր բաժնի պատասխանատու Սուրեն Վարդյանը: Մանվել Ավետիսյանը սեպտեմբերի 24-ին է երկրորդ անգամ նշանակվել արարողակարգի բաժնի պետի պաշտոնին: Նրան պաշտոնից ազատելու մասին տեղեկության իսկությունն իմանալու համար ArmLur.am-ը կապ է հաստատել վարչապետի մամուլի խոսնակ Նազելի Բաղդասարյանի հետ, սակայն վերջինս չմեկնաբանեց ուղղորդելով վարչապետի աշխատակազմ: Վարչապետի աշխատակազմի տեղեկատվության եւ հասարակայնության հետ կապերի վարչության պետ Արմեն Խաչատրյանն էլ, մեր հարցին ի պատասխան, ասաց. «Վարչապետի որոշումները հրապարակվում են. այլ տեղեկություն չունեն»:

ՔՆՍՈՐ ՍՍՆՈՒԿՅԱՆ

ԻՐԱՎԻՃԱԿ

ԱԶԱԿՑՈՒԹՅՈՒՆ

ՇԱՀԱՌՈՒՄ ԾՆՎԱԾ ԵՐԵԽԱՆ Է

ԿԱՅՈՒՆԱՑՄԱՆ ՄԻՏՈՒՄ ԿԱ

Անդրկովկասում իրավիճակը շարունակում է լարված մնալ, սակայն կայունացման հստակ միտում կա:

«Ժողովուրդ» օրաթերթի տեղեկություններով այս մասին երեկ՝ Մոսկվայում ճեպագրույցի ժամանակ, հայտարարել է ՌԴ զինված ուժերի գլխավոր շտաբի պետ, Ռուսաստանի Դաշնության պաշտպանության նախարարի առաջին տեղակալ, բանակի գեներալ Վալերի Գերասիմովը:

«Ռուսաստանի Դաշնությունը քաղաքական ոլորտում նպատակաուղղված աշխատանք է տանում Անդրկովկասում տրանսպորտային հաղորդակցությունների ապաշրջանակման, Բաքվի եւ Երեւանի միջեւ խաղաղության պայմանագրի ստորագրման, ինչպես նաեւ հայ-ադրբեջանական ամենասուր հակասությունների լուծման ուղղությամբ»,- ասել է Գերասիմովը:

ՈՐՊԵՍ ԵՐԱՑԵԱՎՈՐ

«Ռուս խաղաղապահները սեպտեմբերին՝ Լեռնային Ղարաբաղում հակամարտության ընթացքում, իրենց տեղակայման վայրերում տեղավորել են ավելի քան 10 հազար խաղաղ բնակիչների, այնուհետ՝ ապահովել Ղարաբաղի գրեթե ողջ բնակչության անվտանգ մեկնումը Յայաստան»,- ասել է ՌԴ ՋՈՒ գլխավոր շտաբի պետ, Ռուսաստանի Դաշնության պաշտպանության նախարարի առաջին տեղակալ, բանակի գեներալ Վալերի Գերասիմովը: «Ռազմական գործողությունների ընթացքում ռուսական խաղաղապահ զորախումբն ապահովել է ավելի քան 10 հազար խաղաղ բնակիչ տեղակայումը իրենց տեղակայման վայրերում, հետո՝ Ղարաբաղի գրեթե ողջ բնակչության անվտանգ ելքը Յայաստանի տարածք: Գրեթե 300 վիրավոր է տեղափոխվել:

«Միեւնույն ժամանակ, մեր զինվորականները շարունակում են առաջադրանքներ կատարել՝ որպես խաղաղ կյանք կառուցելու հնարավորության եւ տարածաշրջան բնակիչների վերադարձի երաշխավոր»,- ասել է Գերասիմովը օտարերկրյա ռազմական կցորդների համար ճեպագրույցում:

ՄԻՑՈՒՅԹԻ ԱՄՓՈՓՈՒՄ

ՀՀ տարածքային կառավարման եւ ենթակառուցվածքների նախարարությունից հայտնել էին, որ դեկտեմբերի 19-ին ամփոփել են ՀՀ, ք. Երեւան, Արշակունյաց 4/1 հասցեում գտնվող գույքի օտարման նպատակով հայտարարված մրցույթի արդյունքները: Հայտարարված մրցույթին ներկայացվել է 1 հայտ: Հանձնաժողովի որոշմամբ՝ ներկայացված առաջարկության ամփոփման արդյունքում մրցույթի հաղթող է ճանաչվել միակ հայտատու՝ «ԷՆ ԷՆ ԷՍ ԱՐՇ» ՍՊԸ-ն: Ըստ ներկայացրած ներդրումային ծրագրի՝ ընկերությունը պարտավորվել է Արշակունյաց 4/1 հասցեում գտնվող գույքի օտարման նպատակով 5 տարիների ընթացքում վճարել 25 մլրդ ՀՀ դրամ (հավասարաչափ) եւ կատարել 26 մլրդ ՀՀ դրամի ներդրում տարածքում պատմության եւ մշակույթի անշարժ հուշարձանների պետական ցուցակում ընդգրված շենքերի վերանորոգման, նոր բնակելի, հյուրանոցային համալիրների, կոմերցիոն տարածքների, զբոսայգիների եւ հանգստի վայրերի կառուցման նպատակով: Նշենք, որ խոսքը Երեւանի «Մայրաքաղաքային գևոյի» գործառնական տարածքի մասին է, որը երկար ժամանակ էր շահագործվում:

ՀՀ կառավարությունը երեկվա նիստի ժամանակ սահմանեց ղեկավար աջակցությունը սրամադրել վերահարողականության օժանդակ ժեխորդ-գիաների կիրառմամբ բժշկական օգնություն ստացած՝ անհայտ բացակայող կամ մահացած ճանաչված զինծառայողի ծնողին մինչեւ երեխաների երեխայի խնամքն իր բնակության վայրում չհաշվառված անձի՝ դայակի կամ վճարովի հիմունքներով գործող նախադրոցական հաստատության միջոցով կազմակերպելու հարցում:

Աշխատանքի եւ սոցիալական հարցերի նախարար Նարեկ Մկրտչյանը նշեց, որ շահառուի մինչեւ երեք տարեկան երեխայի խնամքը կազմակերպելու համար գոհված զինծառայողի ծնողի եւ միասնական սոցիալական տարածքային կենտրոնի միջեւ կկնքվի աջակցության տրամադրման պայմանագիր, եւ ծնողը հնարավորություն կունենա մինչեւ երեխայի մանկապարտեզ գնալը դայակ ունենալ: Այդ նպատակով կտրամադրվի մինչեւ 104 հազար դրամ գումար:

Առողջապահության փոխնախարար Լենա Նանուշյանն էլ տեղեկացրեց, որ գոհված զինծառայողների ընտանիքներում, 2021թ. սկսած, արդեն 54 երեխա է ծնվել:

Մկրտչյանը հավելեց, որ այս ծրագրով չպետք է դայակը նույն հասցեում հաշվառված լինի. «Նախորդ ծրագրում լինում էին դեպքեր, երբ գրանցում էին ընտանիքի անդամին, եւ ծրագիրը չէր ծառայում իր նպատակին»:

Վարչապետ Նիկոլ Փաշինյանը, սակայն, նախարարի այս դիտարկումը այդքան էլ ճիշտ չհամարեց: Ըստ նրա՝ նման սահմանափակումներով շեղվում են հիմնական նպատակից:

«Կարծում եմ այս դեպքում մենք կարող ենք այդ բացառությունն անել. մեր շահառուն, որին ուզում ենք աջակցել, ի վերջո, ծնված երեխան է. ինչքան լավ պահեն այդ երեխային, այդքան մեզ համար ավելի լավ: Ամեն անգամ մեր քաղաքականությունը մշակելիս, կարեւոր բաներ բաց ենք թողում: Մեր խնդիրը երեխային օգնելն է, այս ծրագրով ինչ-որ տեղ գործազուրկ դայակներ կան, ուզում ենք իրենց աշխատանքի տեղավորենք. դա չէ մեր խնդիրը: Եթե այդ ծառայությունը պետք է հարազատ տատկիլը մատուցի, շատ լավ, թող մատուցի, ավելի լավ: Մեր խնդիրն այն է, որ երեխան լավ պայմաններում լինի, եւ մայրիկները աշխատելու հնարավորություն ունենան»,- ասաց նա:

ՕՐՎԱԿ ԽՃԱՆԿՎՈՐ

ԱՆԳՐԱԿԱՐՁ

Վարչապետ Նիկոլ Փաշինյանն ընդունել է Միջազգային ճգնաժամային խմբի նախագահ Կոմֆորտ Էրոյին:

«Ժողովուրդ» օրաթերթի տեղեկություններով՝ գրուցակիցները քննարկել են տարածաշրջանային իրավիճակին վերաբերող հարցեր:

«Անդրադարձ է կատարվել Հարավային Կովկասում կայունության ու տեսական խաղաղության հաստատման հնարավորություններին, Հայաստան-Ադրբեջան հարաբերությունների կարգավորման գործընթացին ու վերջին գարգացումներին:

Վարչապետ Փաշինյանը ներկայացրել է հայկական կողմի դիրքորոշումները, այդ թվում՝ խաղաղության պայմանագրի սկզբունքների վերաբերյալ»,- ասվում է հարդրագրության մեջ:



Այնուհետեւ վարչապետը կառավարության անդամներին մի իրավիճակ ներկայացրեց. «Ընտանիքում ծնվել է երեխա, եւ երիտասարդ մայրն ուզում է աշխատի, եւ երեխայի տատիկը մի տեղ աշխատում է 80 հազար դրամով. ուզենալով օգնի, որպեսզի իր դուստրը կամ հարսը աշխատելու հնարավորություն ունենա՝ մարդը կարող է որոշի ու դուրս գա աշխատանքից, գնա իր թոռնիկին պահի եւ իր եկամուտն էլ չկորցնի. այդ թափուր մնացած աշխատանքի վայրում մեկ ուրիշն աշխատի: Սա այն դեպքն է, որ պետք է կասկածելի հայացքով ասենք՝ վայ, մեր դայակների 100 հազար դրամը ի՞նչ եղավ»:

Նիկոլ Փաշինյանը փաստեց՝ սահմանափակումների հետեւանքով մարդիկ չեն կարողանում օգտվել նախագծից. «Մենք երբեք չենք խորանում որոշումների մեջ, այլ ասում ենք՝ տեսե՛ք, մենք ինչ լավ կառավարություն ենք, նման որոշում ընդունեցինք, հետո գնում ենք մարզային հանդիպման, հարցնում՝ օգտվում եք այդ ծառայությունից, ասում են՝ չէ, որովհետեւ մեր բարեկամը, հարեւանը կամ գյուղացին չի կարող մասնակցել, կամ դայակի բոլը

պետք է լինի 1.90, քաջը՝ Էսբան, 5 աշխատանքային փորձով, բայց հանրապետությունում նման մարդ չկա: Ես գիտեմ, որ մարզային կամ ոչ մարզային որեւէ այցի լայն ժպիտով գնալու եմ հարցնեմ՝ բա է՞ր որոշումից օգտվեցի՞ք, սիրելի՛ շահառուներ, եւ ինձ ոչ ժպիտով պատասխանեն՝ ոչ: Ինչո՞ւ. որովհետեւ ձեր կարգավորման մեջ մի հատ հնարավորություն կա, 200 հատ սահմանափակում, մենք նեղվ չունենք դա հարթահարե՛նք. ես առավտից դա եմ մտածում: Սա առիթ է, որ որոշումներ կայացնելիս հասկանանք՝ մարդը օգտվում է դրանից: Որոշումները մենակ զեկույցներում գրելու համար չենք ընդունում, այլ մարդկանց կյանքը լավացնելու»:

Կառավարության ղեկավարը նաեւ կատակեց. «Երեխային պահելու մեջ սահմանափակումը չեմ հասկանում. եթե չպահի տատիկը, կազատեն աշխատանքից: Մայրիկներին դրանով լծակ ենք տալիս, որ ասեն՝ հարգելի՛ տատիկ, Ռուբ Երկուշաբթի օրվանից ազատված եք աշխատանքից»:

Նա հանձնարարեց լուծել նշված կարգավորումը:

Ըստ աղբյուրի՝ մտքեր են փոխանակվել Ադրբեջանի կողմից Եթիկ գտման հետեւանքով Լեռնային Ղարաբաղից բռնի տեղահանված անձանց հումանիտար խնդիրների, դրանց լուծման ուղղությամբ ՀՀ կառավարության կողմից իրականացվող ծրագրերի շուրջ: Երկուստեք կարելի է միջազգային հանրության աջակցությունը:

ԱՆ ՆԻՍ

Վարչապետ Նիկոլ Փաշինյանի գլխավորությամբ տեղի է ունեցել Անվտանգության խորհրդի նիստ:

«Ժողովուրդ» օրաթերթի տեղեկություններով՝ նիստին, բացի Ան անդամներից, մասնակցել են նաեւ հանրապետության նախագահ Վահագն Խաչատրյանը, Ազգային ժողովի նախագահ Ալեն Սիմոնյանը, վարչապետի աշխատակազմի ղեկա-

վար Արայիկ Հարությունյանը, Էկոնոմիկայի նախարար Վահան Զերոբյանը, ՀՀ ԱԺ արտաքին հարաբերությունների մշտական հանձնաժողովի նախագահ Սարգիս Խանդանյանը, ՀՀ ԱԺ «Քաղաքացիական պայմանագիր» խմբակցության ղեկավար Հայկ Կոնջոյանը:

Ըստ աղբյուրի՝ նիստի ընթացքում քննարկվել են Հայաստան-Ադրբեջան հարաբերությունների կարգավորմանը, ՀՀ պարենային անվտանգության ապահովմանը, ՀՀ ՋՈՒ միասնական կառավարման ավտոմատացված համակարգին եւ ՀՀ անվտանգությանն առնչվող այլ հարցեր:

Նշվում է, որ զեկույցներով հանդես են եկել ՀՀ ԱԳ նախարար Արարատ Միրզոյանը, ՀՀ պաշտպանության նախարար Սուրեն Պապիկյանը, ՀՀ ՋՈՒ գլխավոր շտաբի պետ Էդվարդ Ասրյանը, ՀՀ Էկոնոմիկայի նախարար Վահան Զերոբյանը եւ այլ պաշտոնյաներ:

ՊԱՇՏՈՆԱԿԱՆ

ԽԱՓԱՆՄԱՆ ՄԻՋՈՑԸ՝ ԿԱԼԱՆՔ

Ավարտվել է Գորիս քաղաքում Տիգրան Խաչատրյանի կողմից հրազենի գործադրմամբ խուլիգանություն կատարելու և խուլիգանական դրոշմներով մեկ անձի մարմնական վնասվածք հասցնելու դեպքի առթիվ ՀՀ ՔԿ Սյունիքի մարզային քննչական վարչությունում նախաձեռնված քննչական վարույթի նախաձեռնությունը...



Մեղադրանք էր ներկայացվել ՀՀ քրեական օրենսգրքի 335-րդ հոդվածի 1-ին մասով, 167-րդ հոդվածի 2-րդ մասի 6-րդ, 8-րդ և 12-րդ կետերով, 297-րդ հոդվածի 3-րդ մասով: Քննիչը միջնորդություն էր ներկայացրել դատարան՝ հաստատելու վերջինիս նկատմամբ որպես խափանման միջոց ընտրված կալանքը, ինչը դատարանի որոշմամբ բավարարվել էր, և Տ. Խաչատրյանը կալանավորվել էր:

«ՀՀ քննչական կոմիտեն ավելի վաղ տեղեկացրել էր, որ 2023թ. հունիսի 19-ին՝ ժամը 20:30-ի սահմաններում, Տ. Խաչատրյանն իրեն պատկանող Mercedes-Benz մակնիշի ավտոմեքենայով, երկու մտերիների հետ գնացել է Գորիս քաղաքում գործող ավտոտեխսպասարկման կետ մինչ այդ ավտոմեքենայի համար անվադողեր գնելու հարցի շուրջ հեռախոսային խոսակցության ընթացքում ծագած վիճաբանության կապակցությամբ պարզաբանումներ կատարելու նպատակով:

Անվադողերի վաճառքով զբաղվող Գորիս քաղաքի 46-ամյա բնակիչի հետ պարզաբանումներ կատարելու ընթացքում, չնչին առիթն օգտագործելով, իր սեփական անձի առավելություններն ընդգծելու և այդպես հանդուգն վարքագիծ դրսևորելու մոլուցքով տարված, խուլիգանական դրոշմներով ևս վիճաբանություն էր հրահրել ավտոտեխսպասարկման կետի աշխատակիցների հետ, նրանց հասցեին հնչեցրել սեռական բնույթի հայտյանքներ: Այնուհետև համակցության կանոնների ցուցադրաբար անտեսմամբ, ավտոտեխսպասարկման կետի հարեանությամբ գտնվող քաղաքացիների, թաղամասի բնակիչների, սպասարկման կետերի անդորրը խախտելով, իր մոտ ապօրինի կրած հրազենով կրակոց էր արձակել 46-ամյա տղամարդու ուղղությամբ՝ վերջինիս պատճառելով առողջության միջին ծանրության վնասի հատկանիշներ պարունակող մարմնական վնասվածք, և հեռացել դեպքի վայրից՝ թաքնվելով նաև քննությունից:

Վերջինս հետագայում հայտնաբերվել էր Երեան քաղաքում և ներկայացվել վարույթի իրականացնող մարմնին:

Ձեռք բերված բավարար փաստերի հիման վրա՝ Տ. Խաչատրյանին վերջնական

ԴԱՏԱԽԱՋՈՒԹՅՈՒՆ

ՏԱՂԱՆԴԱՎՈՐ ԲԻԶՆԵՍՄԵՆ, ԹԵ՞ ԿՈՌՈՒՊՑԻԱ

«Ընդհանուր առմամբ, ապօրինի գույքի բռնագանձման վարույթի օջախակետում 90-ից ավելի հայեր են ներկայացված, հայցագիներ գերազանցում է 510 միլիարդը, սակայն սա դեռ վերջնական գումարը չէ: Հայցերի քանակն ու թիվը աճելու է, քանի որ ուսումնասիրությունը ցույց է առավելագույնը երեք արի», - Հանրային հեռուստաընկերության եթերում հայտնել է ՀՀ գլխավոր դատախազ Աննա Վարդապետյանը:

«Ուսումնասիրությունը սկսվում է, եթե առկա են երկու հիմքերը. դրանք են՝ կոռուպցիոն հանցագործությունների մեջ մեղադրանքը կամ օպերատիվ մարմնի հայտնած տեղեկությունը: Եթե այս երկու

հիմքերը առկա են, վարչությունը սկսում է ուսումնասիրությունը և ունի առավելագույնը երեք տարի կամ հայց ներկայացնելու, կամ կարճելու: Առաջիկա տարիների ընթացքում հայցերի քանակը կաճի, քանի որ, օրինակ, 2021 թվականի ուսումնասիրությունների վերջնաժամկետը 2024 թիվն է: Կարծում եմ՝ հայցագրերի թիվն այնպիսին է, որ կարելի է աղվախարույց մեկնաբանել»:

Ըստ դատախազի՝ դրանց թվում են Քոչարյան և Խաչատրյան ընտանիքի գույքի վերաբերյալ գործերը, որոնք ձեռք են բերվել ոչ օրինական ճանապարհով:

«Հիմնական գործառնությունները իրականացվել են Սեդրակ Քոչարյանի միջոցով, քանի որ, ըստ իրենց պնդման, նա այն անձն է, որ զբաղվել է ձեռնարկատիրա-

կան գործունեությամբ: Հիմնական անհանգստությունն ու անվստահությունը, որ մեզ մոտ ձեռավորվել է, այն է, որ 19 տարեկանում անձը սկսել է զբաղվել և մեծ ծավալի գույքերի սեփականության նկատմամբ իրավունք է ունեցել», - ասել է Վարդապետյանը:

Հաղորդավարի դիտարկմանը, թե Սեդրակ Քոչարյանը տաղանդավոր բիզնեսմեն է, Աննա Վարդապետյանը նկատել է. «Դռնբաց դատական քննությունը ցույց կտա՝ անձը տաղանդավոր բիզնեսմեն է, թե մենք գործ ունենք ապօրինի գույքի հետ: Թվերը մեծ են, բայց մի քանի խոշոր անշարժ գույքեր են, և չիմաստավորված ֆինանսական հոսքեր, որոնք կամ ծախսերի տեսքով են, կամ բանկային հաշիվների ձեռքով»:

ԶԱՐԱՇԱՐՈՒՄ

ԱՆՎԱՍԿԱՆԱԼԻ ԶՈՒԳԱԴԻՊՈՒԹՅԱՄԲ

«Շատ իրավացի և ճիշտ գործ էք մեջբերում», - երեկ Հանրային հեռուստաընկերության տաղավարում ասել է ՀՀ գլխավոր դատախազ Աննա Վարդապետյանը՝ արձագանքելով հաղորդավար Պետրոս Ղազարյանի այն դիտարկմանը, որ, օրինակ, Գագիկ Խաչատրյանի գործը, որը 2020 թվականի օգոստոսի 14-ից սկսվել է, և, հիմա, որ արդեն 2023 թվականն է ավարտվում, կարծես ոչինչ չի փոխվել:

Վարդապետյանը նկատել է, որ հենց այդ պատճառով էլ բոլորովին վերջերս դատախազությունը ստիպված միջնորդություն է ներկայացրել՝ իրավունքի չարաշահման հիմքով Գագիկ Խաչատրյանի նկատմամբ խափանման միջոցը փոխելու պահանջով: Գլխավոր դատախազի խոսքով՝ դատարանը մերժել է դատախազության պահանջը, որը պատրաստվում են բողոքարկել:

«Վերջինս ուր ամիսների ընթացքում 14 դատական նիստ է տեղի ունեցել, 12 դատական նիստ չի կայացել Գագիկ Խաչատրյանի առողջության վատթարացման պատճառաբանությամբ: Մեզ համար անհասկանալի զուգահեռությամբ Գագիկ Խաչատրյանի առողջությունը վատթարանում է նիստից մեկ օր առաջ: Մինչ այդ ամբողջ ընթացքում չի եղել որեւէ տվյալ, որ Գագիկ Խաչատրյանը, օրինակ, ստացիոնար բուժման մեջ է գտնվել: Գտնվել է իր տանը, նիստից առաջ վատ է զգացել, կամ գալիս է դատարան, նիստը բացում են, Գագիկ Խաչատրյանը լավ չի զգում և, օրինակ, գնում է սանհանգույց, և 20 րոպե հետո պարզվում է, որ Գագիկ Խաչատրյանը չի կարող ներկայանալ նիստերի դահլիճ, - ասել է Վարդապետյանը և հավելել: - Ընդամենը մնացել է մի քանի նիստի աշխատանք, որ պետք է դատախազությունն իրականացնի, մեկ անձի հարցաքննություն, և արդեն ավարտական փուլն է: Մենք դեռևս չենք կարող բովանդակային դատաքննության անցնել. դա է պատճառը, որ նման ծայրահեղ քայլի ենք գնում և կարծում ենք, որ գոնե խափանման միջոցի փոփոխությունը այս իրավունքի չարաշահման գործընթացը կկասեցնի, և գոնե շահագրգռված կլինեն, որպեսզի մենք բովանդակային երկու, երեք նիստ անենք և ավարտենք»:

Խոսելով վերջինիս որդիների մասին՝ գլխավոր դատախազն ասել է, որ մեկ շաբաթ առաջ մեղադրական եզրակացությունը դատախազը հաստատել է և ուղարկել դատարան. «Ամենամեծ կտորը մեղադրանքի վերաբերում է մոտավորապես 115 միլիոն ԱՄՆ դոլարի փողերի լվացմանը: Այս պահին որպես մեղադրյալ, ի թիվս այլոց, անցնում են Գագիկ Խաչատրյանի կրտսեր որդին՝ Արտյոմ Խաչատրյանը, և եղբորորդին՝ Արամ Խաչատրյանը, ավագ որդին՝ Գուրգենը, դեռևս գտնվում է հետախուզման մեջ»:

Նա նաև նշել է. «Մենք էլի ակնկալում ենք, որ դատարանը հետևողական նիստեր կնշանակի և հնարավորություն կտա մեղադրանքի կողմի հրապարակային դատաքննության շրջանակներում ներկայացնել մեղադրանքը, որպեսզի բոլոր ասեկոսները մեղադրանքի շուրջ կարողանանք փաստով հաստատել կամ հերքել»:

● Ըստ ոստիկանության տվյալների՝ դեկտեմբերի 20-ից 21-ը Հայաստանի Հանրապետության ՆԳՆ ոստիկանության ստորաբաժանումները բացահայտել են հանցագործության 62 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԽԹԱՆՄԱՆ ԾՐԱԳԻՐ ԶԿԱ

Տավուշի մարզի գյուղատնտեսական նշանակության հողերը, ըստ հողային հաշվեկշռի, կազմում են 110 665,6 հեկտար, որից վարելահող՝ 25 485,3 հեկտար, բազմամյա տնկարկներ՝ 1981,8 հեկտար, այդ թվում խաղողի այգիներ՝ 1195,3 հեկտար, պտղատու այգիներ՝ 786,5 հեկտար, խոտհարքներ՝ 9400,6 հեկտար, արոտավայրեր՝ 63 006 հեկտար, այլ՝ 10791,8 հեկտար: Տավուշի մարզպետ Յայկ Ղալումյանին տեղեկատվական հարցում ենք արել, թե 2023 թվականին Տավուշի մարզում որքան աշխատանք է արվել: Մարզպետարանից ստացված պատասխանում նշված է. «Համաձայն Իջեանի, Նոյեմբերյանի և Բերդի համայնքապետարանների կողմից տրամադրված տեղեկատվությունների՝ օպերատիվ տվյալներով՝ 12.12.2023թ. դրությամբ մարզում կատարվել է 2550,2 հա աշխատանք, որից՝ ցորեն-1938,4հա, գարի-611,8հա: 2023թ. աշխատանքն ցորենի արտադրության խթանման պետական աջակցության ծրագիր չի գործում»:

ԱՏԵՍՏԱՎՈՐՈՒՄԸ ԶԱԽՈՂՎԱԾ

Տավուշի մարզի հանրակրթական 76 դպրոցներում ընդհանուր առմամբ աշխատում են 1830 ուսուցիչ և ուսուցչի օգնական: Տավուշի մարզպետ Յայկ Ղալումյանին հարցում ենք ուղարկել՝ հարցնելով մինչ այժմ ատեստավորման գործընթացը սկսվելուց հետո, Տավուշի մարզի հանրակրթական դպրոցների ընդհանուր քանի ուսուցիչ է կամավոր ատեստավորվել, նրանցից քանիսը ինչ արդյունքներ է ունեցել: Մարզպետարանից պատասխանել են. « 2021-2023թթ. Տավուշի մարզի հանրակրթական դպրոցների 148 ուսուցիչ կամավոր ատեստավորվել է: Նրանցից 40-ը ստացել է 60-69, 54-ը՝ 70-79, 48-ը՝ 80-89, և 6-ը՝ 90-100 արդյունք»: Մարզպետ Ղալումյանը իր պատասխանում չի նշել, թե քանի ուսուցիչ կամավոր ատեստավորումից 60-ից ցածր միավոր է ստացել: Մարզպետն այդ թիվը չի նշել, որպեսզի չբացահայտվի կամավոր ատեստավորումից «կտրվածների» մեծ քանակը, այդ գործընթացի ձախողումը:

ՓԱՇԻՆՅԱՆԻ ԳՅՈՒՂԸ՝ ՆՈՐ ՀԱՏԱԿԱԳԾՈՎ

Հայաստանում գյուղ կամ, որ ունենա գլխավոր հատակագիծ: Նիկոլ Փաշինյանի հոր հայրենի գյուղը՝ Իջեան համայնքի Ենոքավանը, շնորհիվ պետական ֆինանսավորման, առաջիկայում կունենա գլխավոր հատակագիծ: 2023թ. հուլիսի 7-ին Տավուշի մարզպետարանում տեղի է ունեցել խորհրդակցություն, որի ընթացքում քննարկվել է Ենոքավանի գլխավոր հատակագիծը: Տավուշի մարզպետարանից տեղեկացել ենք, որ Ենոքավանի գլխավոր հատակագծի պատվիրատուն հանդիսանում է ՀՀ քաղաքաշինության կոմիտեն, նախագծող կազմակերպությունը՝ «Արխիտոն» ՍՊԸ-ն է, նախագծման աշխատանքի արժեքը 5,5 միլիոն դրամ է: Ենոքավանի գլխավոր հատակագծի նախագծային աշխատանքները կավարտվեն 2024 թվականի մարտ ամսին:

ՈՍԿԱՆ ՍՈՐՈՍՅԱՆ Տավուշ

ԿՐԹՈՒԹՅՈՒՆ

ՈՒՄՄԱՆ ՎԱՐՁԻ ՓՈԽՂԱՏՈՒՑՈՒՄ ԿՏՐՎԻ

Կառավարության երեկվա նիստում գործադիր հաստատել է ՀՀ նախնական (արհեստագործական), միջին, բարձրագույն և հեքուհական մասնագիտական կրթական ծրագրեր իրականացնող ուսումնական հաստատությունների վճարովի համակարգում մինչև 2023 թվականի սեպտեմբերի 19-ն ընդգրկված Լեռնային Ղարաբաղի սովորողների ուսման վարձի փոխհատուցման սրամադրման կարգը, այս մասին հայտնում են ԿԳՄՆ-ից:



Հարցը զեկուցել է ԿԳՄՆ նախարար Ժաննա Անդրեասյանը՝ նշելով, որ որոշումը վերաբերում է ՀՀ ուսումնական հաստատություններում սովորող Լեռնային Ղարաբաղի այն ուսանողներին, որոնց ընտանիքները սեպտեմբերի 19-ից հետո բռնի տեղահանվել են:

«Ուսանողների մի խմբի ուսման վարձերը վճարել էին նրանց ընտանիքները, որոնք այժմ հայտնի պատճառներով զրկված են այդ աջակցությունը ցուցաբերելու հնարավորությունից: Մյուս խմբի ուսման վարձը վճարվել էր ԼՂ կառավարության կողմից, ինչը եւս այս պահին հնարավոր չէ շարունակել: Այս երկու խմբերի պարագայում կրթության իրավունքի վերականգնման խնդիր չունենք, քանի որ նրանք ի սկզբանե եղել են ՀՀ ուսանողներ, սակայն առկա էր ֆինանսական աջակցության կարիք»,- ասել է նախարարը՝ հավելելով, որ, կառավարության որոշմամբ, վերը նշված խմբերի ուսանողների խնդիրն տրվում է լուծում:

Հաստատված կարգով՝ ուսման վարձի փոխհատուցում կտրամադրվի 2023-2024 ուսումնական տարվա համար հետևյալ չափերով և պայմաններով՝

- 1) 1-ին կիսամյակի համար տվյալ կիսամյակի ուսման վարձի 100 տոկոսի չափով՝ անկախ նախորդ ուսումնական տարվա արդյունքում ձեւավորված միջին որակական գնահատականից (ՄՈԳ),

2) 2-րդ կիսամյակի համար տվյալ կիսամյակի ուսման վարձի 100 տոկոսի չափով՝ 2023-2024 ուսումնական տարվա 1-ին կիսամյակի արդյունքում ՄՈԳ-ի 65.00 տոկոսը հաղթահարելու դեպքում, իսկ նախնական (արհեստագործական), միջին մասնագիտական ուսումնական հաստատություններում սովորողի պարագայում՝ 2023-2024 ուսումնական տարվա 1-ին կիսամյակի արդյունքում 50 տոկոսից ոչ պակաս՝ «գերազանց» և (կամ) «լավ» գնահատականներ ունենալու դեպքում:

Ըստ Ժաննա Անդրեասյանի՝ նոր որոշման շահառուները մոտ 935 ուսանողներ են, որոնցից 860-ը բուհական և հեքուհական կրթության համակարգից են, 75-ը՝ ՄԿՈՒ ոլորտից: Այս որոշմամբ փոխհատուցվելու է 2023/24 ուստարվա առաջին կիսամյակի ուսման վարձը, ինչը կազմում է մոտավորապես 264 միլիոն դրամ: Գումարը նվիրաբերության կարգով կհատկացվի այն ուսհաստատություններին, որոնցում սովորում են նշյալ խմբի ուսանողները:

Նախարարը նաև հիշեցրել է, որ կառավարության հոկտեմբերի 12-ի որոշմամբ հաստատվել էր սեպտեմբերի 19-ից հետո Լեռնային Ղարաբաղից բռնի տեղահանված՝ ԼՂ-ում նախնական և միջին, բարձրագույն մասնագիտական կրթական ծրագրեր իրականացրած ուսումնական հաստատությունների առկա և հեռակա ուսուցման համակարգի ուսանողներին ուսման վարձի լրիվ կամ մասնակի փոխհատուցման նպատակով կրթաթոշակի տրամադրման կարգը: Ժաննա Անդրեասյանը տեղեկացրել է, որ այս պահի դրությամբ այդ խմբի ավելի քան 1800 ուսանող սովորում է ՀՀ բուհերում, իսկ ավելի քան 1100 ուսանող՝ քուլեջներում և ուսումնարաններում:

Կառավարության նիստի ընթացքում ՀՀ փոխվարչապետ Տիգրան Խաչատրյանը հայտնել է, որ 2023-2024 ուստարվա առաջին կիսամյակի ուսման վարձը արդեն իսկ վճարված է այս աջակցության ծրագրի շահառու դարձած ուսանողների գումարը պետք է վերադարձվի:

Նշենք, որ ուսումնական հաստատությունների ցանկը, որոնցում սովորողներին տրամադրվելու է ուսման վարձի՝ սույն որոշմամբ նախատեսված փոխհատուցում, կիրառարակվի առաջիկայում:

ՆՈՐ ԿՎՐԳ

ԳԻՏՆԱԿԱՆՆԵՐԸ ԵՎՍ ԿԱՏԵՍՏԱՎՈՐՎԵՆ

Կառավարությունը հաստատել է գիտական կարգերի ասեստավորման կարգը, գիտական ղեկավար կազմակերպություններում գիտական և ճարտարագիտական ղեկավարները և դրանց գնահատման նվազագույն չափանիշները:

Կառավարության նիստի ընթացքում նախագիծը ներկայացրեց ԿԳՄՆ նախարար Ժաննա Անդրեասյանը:

«Ինչպես գիտեք, էապես ավելացել է գիտության ոլորտի ֆինանսավորումը, և առաջնահերթ խնդիր է նաև դրա որակի և արդյունավետության մասին մտածելը: Ֆինանսավորման ավելացման կարելի էր ուղղություն է գիտաշխատողների աշխատավարձերի բարձրացումը, որը մեկնարկել է 2022 թվականի հունվարի 1-ից, և դրա արդյունքում արդեն իսկ էական բարձրացում է գրանցվել՝ միջինում 174 տոկոսով 2024 թվականի հունվարի 1-ի դրությամբ: Ընդ որում, վարձատրության բարձրացումը իրականացվում է ատեստավորման գործընթացի արդյունքում, որի նպատակն է գնահատել գիտական աշխատողի մասնագիտական պատրաստվածության աստիճանը և նրա ստացած գիտական արդյունքները, ինչպես նաև պարզել գիտական աշխատողի մասնագիտական որակի համապատասխանությունը իր զբաղեցրած պաշտոնին: Սակայն, ամբողջ խնդիրն այն է, որ ատեստավորման գործընթացը կարգավորվում էր 2001 թվականի կառավարության որոշմամբ, որը բավականին հնացած էր և լիարժեքորեն չէր համապատասխանում ոլորտում իրականացվող բարեփոխումներին և ոլորտի աշխատակիցներից պետության ակնկալիքներին, ինչպես նաև չէր սահմանում կատարողականի նվազագույն քանակական չափանիշներ», - ասաց նա:

Ըստ նախարարի՝ ներկայացվող նախագիծով կառավարությունը կարող է հաստատել գիտական պաշտոնների տարակարգերը, դրանցից յուրաքանչյուրի համար արդյունավետության նվազագույն պահանջները, որոնք խարսխված են գիտական կարգերի պատրաստման մեջ գիտնականների ներգրավվածության, միջազգային հեղինակավոր պարբերականներում հրատարակումների որակի և քանակի, միջազգային դրամաշնորհային ծրագրերում ներգրավվածության և դրանց ղեկավարման պայմանների վրա: «Այսպիսով, դրանք ամբողջությամբ համահունչ են, մի կողմից, գիտության և բուհական կրթության համադրման քաղաքականությանը, մյուս կողմից՝ գիտության միջազգայնացման քաղաքականությանը, ինչպես նաև գիտության ոլորտում պետության և մասնավոր գործակցության խթանմանը, որովհետև այդ դրամաշնորհային ծրագրերում ներգրավվածության պահանջները է նաև, որ այնտեղ չլինի միայն ֆինանսավորման պետության մասնաբաժին, այլ նաև հաշվի առնվի այլ ֆինանսավորման առկայությունը: Արդյունավետության պահանջներից բացի, կարգով նկարագրվում են նաև տարակարգի համար պաշտոնական պարտականությունները՝ այդպիսով նաև սահմանելով ակնկալիքների այն շրջանակը, որը պետությունը և հասարակությունը կարող է ունենալ գիտական պաշտոնների յուրաքանչյուր տարակարգից»:

Նրա խոսքով՝ գիտական աշխատողների արդյունավետության նոր պայմանների հաստատումը հիմք է դառնալու 2024 թվականին համապետական ատեստավորման ծրագրի իրականացման հաստատման համար: «Ամբողջական ատեստավորումը այս մեխանիզմով կիրականացվի 2026 թվականին, որովհետև նախորդ ատեստավորումը 2021 թվականին է եղել, և հնգամյա շրջափուլը կավարտվի այդ ժամկետում: Դա արդեն կհանդիսանա հիմք արդյունավետության բարձր պահանջներին համապատասխանող գիտական աշխատողների տարակարգման և արդեն իսկ այդ ֆինանսավորման վերանայման համար»:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 16 պատահար. 1 մարդ զոհվել է, 17-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ

ՀՐԳԱՐԱՎԱԿՈՒ ԾԱՆՈՒԹՅՈՒՆ

«Բիւրո» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդ համապատասխան փուլերով՝ «դասական» (գնի բարձրացմամբ), այնուհետև՝ «հոլանդական» (գնի նվազեցմամբ) եղանակներով: Աճուրդի ընթացքում վաճառվելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտը:

- ք. Երեւան, Նոր-Նորք, Մուղովական փողոց, 60 շենք, 52 հասցեում գտնվող 75,32 ք.մ. բնակարան եւ 3,72 քմ ինքնակամ շինություն: Լոտի մեկնարկային գինը՝ 31900000 ՀՀ դրամ:

Լոտի նկատմամբ սահմանափակումները գույքը գրավադրված է:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 08.01.2024թ.-ին, ժ. 12:00-ին դասական եղանակով, այնուհետև՝ յուրաքանչյուր աշխատանքային օր, Նույն վայրում, Նույն ժամին՝ հոլանդական եղանակով: Աճուրդի ավարտը՝ 08.02.2024թ.-ին: Աճուրդի մասնակցության նախաձեռնողը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնողը վճարվում է «ԲԻ Ե ԹԻ» ՍՊԸ-ի դրամարկղում աճուրդի կայացման հասցեում, ՀՀ օրենսդրությամբ սահմանված կանխիկի շեմը չգերազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվեհամարին) կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է Նաեւ Նախաձեռնողի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակցից, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակցից: Աճուրդին մասնակցած, սակայն չհաղթած անձի մուծած նախաձեռնողը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախաձեռնողը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը իրաժարվում է ստորագրել արձանագրությունը կամ առուվաճառի պայմանագիրը, ապա նա կորցնում է իր մուծած նախաձեռնողը: Եթե Կազմակերպիչը իրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախաձեռնողը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետևանքով աճուրդի մասնակցիցների կորուստների եւ վնասների համար բանկը որեւէ պատասխանատվություն չի կրում:

Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեով եւ ծանոթանալ լոտի հետ՝ այցելությունը նախապես համաձայնեցնելով Կազմակերպչի եւ Բորսայի հետ: Հարկային գործակալի հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներով: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.llcbst.am, www.borsa.am կայքերը:

ԲԱՑԱՐԱՅՏՈՒՄ

ԾԻՆԱԽՈՏԻ ԱՊՕՐԻՆԻ ԻՐԱՑՈՒՄ

ՊԵԿ-ը բացահայտել է առանց անվանման, առանց նույնականացման սվալների եւ ակցիզային դրուսանիչերով չդրուսավորված ծխախոտի իրացման խոցը դեղի:

ՊԵԿ հետաքննության եւ օպերատիվ հետախուզության վարչությունը 2023 թվականի ընթացքում մշտապես միջոցառումներ է իրականացրել՝ առանց ակցիզային դրոշմանիշի ծխախոտի իրացման դեպքերի բացահայտման ուղղությամբ:

Հետաքննության եւ օպերատիվ հետախուզության վարչության ու ՊԵԿ այլ ստորաբաժանումների կողմից համատեղ ձեռնարկված միջոցառումների արդյունքում 2023 թվականի ընթացքում հայտնաբերվել է առգրավվել է օդային եւ ցամաքային ճանապարհներով, անօրինական եղանակով Հայաստանի Հանրապետությունից արտահանվող շուրջ 1,5 միլիոն տուփ առանց ակցիզային դրոշմանիշի ծխախոտ: Նշված դեպքերի առթիվ ՔԿ տնտեսական հանցագործությունների եւ մաքսանենգությունների դեմ պայքարի գլխավոր վարչությունում նախաձեռնվել են քրեական վարույթներ, որոնց շրջանակում քրեական վարույթների համար նշանակություն ունեցող բազմաթիվ վայրերում դատարանի որոշումներով կատարվել են խուզարկություններ: Միաժամանակ, ՀՀ քննչական կոմիտեի ՊԵԿ հետաքննության եւ օպերատիվ հետախուզության վարչության աշխատակիցների իրականացրած վարույթային եւ պայցուցողական ծավալուն գործողությունների, օպերատիվ-հետախուզական միջոցառումների արդյունքում ձեռք բերված փաստական տվյալների հիմքով վարույթն իրականացնող մարմինը միջնորդություն է ներկայացրել դատարան՝ առանց ակցիզային դրոշմանիշի ծխախոտ արտադրած ընկերության սեփականատիրոջը եւ ընկերության տնօրենի նկատմամբ կալանքը որպես խափանման միջոց ընտրելու համար, որոնք բավարարվել են:

Միեւնույն ժամանակ, հետաքննության եւ օպերատիվ հետախուզության ու Ներքին անվտանգության վարչություններ օպերատիվ տեղեկություններ էին ստացվել այն մասին, որ ծխախոտ արտադրողները սկսել են առանց նշագրման, սպիտակ տուփերով ծխախոտ վաճառել: Ստացված տվյալներն իրացնելու նպատակով ՊԵԿ հետաքննության եւ օպերատիվ հետախուզության ու Ներքին անվտանգության վարչությունների կողմից



մշակվել, ձեռնարկվել եւ իրականացվել են համալիր օպերատիվ-հետախուզական միջոցառումներ, որոնց ընթացքում ծածկագրված եղանակով կատարվել են հսկիչ գնումներ: Արդյունքում կատարված հսկիչ գնումներով արձանագրվել են առանց անվանման, առանց որեւէ նույնականացման տվյալների, ակցիզային դրոշմանիշերով չդրուսավորված ծխախոտների շուրջ 5170 տուփի վաճառքի դեպքեր, բացի այդ, վաճառողների մոտից հայտնաբերվել են շուրջ 38,870 տուփ չդրուսավորված եւ առանց որեւէ նույնականացման տվյալների ծխախոտ: Հսկիչ գնումներին զուգահեռ՝ օպերատիվ-հետախուզական միջոցառումներ են իրականացվել ծխախոտի արտադրությամբ զբաղվող ընկերությունների արտադրամասերում եւ պահեստային տարածքներում, որտեղից հայտնաբերվել են առանց անվանման, առանց որեւէ նույնականացման տվյալների, ակցիզային դրոշմանիշերով չդրուսավորված ծխախոտներ: Պետական եկամուտների կոմիտեն բոլոր նմանատիպ արատավոր երեւույթները բացահայտելու նպատակով շարունակելու է օգտագործել իր ողջ գործիքակազմը:

պատճառված վնասի նախնական հաշվարկներ, որոնց հիմքով՝ ՔԿ տնտեսական հանցագործությունների եւ մաքսանենգությունների դեմ պայքարի գլխավոր վարչությունում նախաձեռնվել է քրեական վարույթ:

Ներկայումս օպերատիվ-հետախուզական միջոցառումները եւ վարույթային գործողությունները շարունակվում են՝ հանցավոր շղթաներում ներգրավված բոլոր անձանց հայտնաբերելու եւ նրանց արարքներին քրեաիրավական գնահատական տալու նպատակով:

Պետական եկամուտների կոմիտեն ծխախոտ արտադրողներին եւ վաճառողներին հորդորում է չարտադրել եւ չվաճառել առանց ակցիզային դրոշմանիշերի, առանց հսկիչ նշանների, ինչպես նաեւ առանց անվանման, առանց որեւէ նույնականացման տվյալների եւ ակցիզային դրոշմանիշերով չդրուսավորված ծխախոտներ: Պետական եկամուտների կոմիտեն բոլոր նմանատիպ արատավոր երեւույթները բացահայտելու նպատակով շարունակելու է օգտագործել իր ողջ գործիքակազմը:

Ծանուցում. ենթադրյալ հանցանքի համար կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ՊԵԿ տեղեկատվության եւ հասարակայնության հետ կապերի բաժին

«ՎՏԲ-ՀԱՅԱՍՏԱՆ» ԲԱՆԿ

«ԼԵՔՍՊՐԵՄ» ՎԱՐԿ՝ ՀԱՃԱԽՈՐԴՆԵՐԻՆ

«ՎՏԲ-Հայաստան» բանկի փոքր բիզնեսի հաճախորդներն այսուհետ կարող են ստանալ «Լեքսպրեմ» վարկ ազգային արժույթով: Միջոցները հասանելի են ընթացիկ գործունեություն իրականացնելու, գործող դարձավորությունները մարելու կամ արձագանքությունները ընդլայնելու համար: Վարկի առավելագույն գումարը կազմում է 20 մլն ՀՀ դրամ:

«Լեքսպրեմ» վարկը տրամադրվում է առանց գրավի կամ մասնակի գրավով 12-ից 60 ամիս մարման ժամկետով: Հաճախորդը վարկավորման վերաբերյալ որոշում է ստանում 2 աշխատանքա-

յին օրվա ընթացքում: «Փոքր բիզնեսը կարելի է որոշել երկրի տնտեսության զարգացման համար: Այս հատվածն ամենաարագն է հարմարվում տնտեսական փոփոխություններին եւ չի խուսափում ներգրավվել վարկային ֆինանսավորում, այդ թվում՝ ներդրումային նպատակներով: Այսօր մենք սպասարկում ենք փոքր բիզնեսի սեզաններում գործունեություն իրականացնող մոտ 11 հազար ընկերությունների: Մեր նոր պրոդուկտը թույլ կտա վերջիններս երկու օրում առանց լրացուցիչ փաստաթղթերի ստանալ վարկային միջոցներ, իսկ դրույթաչափը միջուկային է շուկայում: Սա հարմար է

ունիվերսալ լուծում է բիզնեսին աջակցելու եւ այն զարգացնելու համար», - մեկնաբանում է «ՎՏԲ-Հայաստան» բանկի գլխավոր տնօրենի - տնօրինության նախագահի տեղակալ Եվգենի Մոտովիլովը: Տվյալ պրոդուկտի շրջանակներում միջոցները հասանելի են 500 հազ. ՀՀ դրամից մինչեւ 20 միլիոն ՀՀ դրամ: Տարեկան տոկոսադրույթը կազմում է 10%-ից մինչեւ 17%՝ կախված վարկի ժամկետից, չափից եւ գրավի արժեքից: Վարկի փաստացի տոկոսադրույթը կազմում է տարեկան 12.7%-ից մինչեւ 21.92%: Բանկը վերահսկվում է ՀՀ ԿԲ կողմից:

● «Տողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



Քնար Սանուկյան

Բարով գաս, 2024, մեզ հեռու պահես փորձություններից: 2024 թվական, գալիք այնքան լի լինի, որ վերադարձնենք մեր կորցրած հայրենիքը, մեր հենասյունը, մեր դարպասը՝ Արցախը: Խոնարհվում ու ներողություն եմ խնդրում հայրենիքի համար զոհված մեր հերոս տղաների առաջ: Խոնարհվում եմ նրանց հերոս մայրերի, բալիկների, կանանց առջե: 2024, գալիք թող զորեղ լինի, որ խաղաղ, հզոր, անվտանգ ու հաղթանակած հայրենիքը երազանք չթվա:



Սոնա Գրիգորյան

2024 թվականը պետք է լինի խաղաղության, առողջության, մեր երկիրը իսկապես հզորացնելու տարի: Յուրաքանչյուրիս պարտքն է՝ մեր ամենօրյա աշխատանքով մեր երկիրը հանենք այն անդունդից, որում հայտնվել է: Թող իրականան բոլորի նվիրական երազանքները:



Քրիստինա Սուշեյան

Թող որ 2024թ-ը լինի խաղաղության ու բարօրության տարի: Անցյալում թողնելով հիասթափություններն ու կորուստները՝ 2024թ.-ին վերագտնենք հայրենիքը հզորացնելու եւ առաջ շարժվելու մեր բանաձեւը: Շնորհավոր Նոր տարի:



Հայկ Ավանեսյան

Շնորհավոր Նոր Տարի: Թող գալիք տարվա յուրաքանչյուր ամիս լինի պայծառ ու անմոռանալի: Թող հրաջքները տեղի ունենան ավելի հաճախ, քան մենք երազում էինք: Թող իրադարձությունները լինեն նշանակալից եւ գեղեցիկ, իսկ կյանքը՝ բարեկեցիկ եւ երջանիկ:



Էմմա Միքայելյան

Հույսի եւ լույսի իմ Հայաստան, գալիք տարում քո եւ մեր առաջ թող բացվեն բոլոր այն դռները, որոնք փակվեցին 2023-ին: Լցվենք սիրով եւ ջանանք անել լավագույնը՝ ի սպասու եւ հանուն հայրենիքի, հանուն Արցախի, հանուն մեր ապագա սերունդների: Շնորհավոր Ամանոր եւ Սուրբ Ճունուր:



Հովսեփ Հովսեփյան

Թող գալիք տարվա յուրաքանչյուր իրադարձություն լինի նշանակալից եւ գեղեցիկ, իսկ կյանքը՝ բարեկեցիկ եւ երջանիկ:



Լիանա Խաչատրյան

Թող 2024 թվականը լինի խաղաղության տարի, կանաչ վիշապը մեզ լինի հովանավոր բոլոր փորձություններին դիմագրավելու համար: Թերթի մութ էջերը, Հայաստան, ժամանակն է ամրագրել պատմությունդ հաղթանակներով:



Մարիամ Դանիելյան

Թող խաղաղությունն այս տարի քաղաքական կունկոկտորայից իջնի հումանիզմի դաշտ, եւ կենտրոնում լինի Մարդը: Շնորհավոր Ամանոր:



Նանիկ Աղայան

Անկախ ամեն ինչից՝ Ամանորին բոլորս էլ ունենում ենք մեր երազանքներն ու ցանկությունները եւ մեծ հույսով սպասում, որ այն անապայման կիրականանա եկող տարում: Ես էլ, իհարկե, այն ունեմ. թող եկող տարում օրացույցն իր հետ շրջի ու ետեւում թողնի բոլոր վիրավորանքներն ու տխրությունները, իսկ Նոր տարին լինի իմաստության, վերելքների ու բարության տարի: Իմ երազանքն էլ չեմ ասի գուցե չիրականանա...



Ռսկան Սարգսյան

Հայաստանի ժողովրդին եւ աշխարհի հայերին մաղթում եմ խաղաղություն եւ առողջություն: Թող Նոր տարին բարեբախտ լինի բազմաչափաբար Հայաստանի համար:




Ալվարո Բարդասարյան

Շնորհավորում եմ բոլորիս գալիք 2024 թվականը: Ցանկանում եմ անկորուստ, հաջողություններով լի տարի լինի: Թող բոլորս ապրենք խաղաղ ու կապույտ երկնքի տակ, սահմանին հսկառ դադարեն կրակոցները: Շնորհավոր Ամանոր եւ Սուրբ Ճունուր:



Ալվարո Կոչկակարյան

Կանաչ վիշապի տարին թող անվաս ջերմություն, ուժ եւ սխալներն ընդունելու ու հաղթանակի հավատով առաջ շարժվելու ժամանակներ բերի: Լուսավոր տարի բոլորիս:



Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 21.12.2023

Գլխավոր խմբագիր՝ ՔՆԱՐ ՍԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում համագործակցությամբ հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: